

Razvoj grada

Mitte 15 / Westbahnhof

Info pismo # 1: Nastavlja se!
maj/svibanj 2026.



Dragi stanovnici i stanovnice 15. bečkog okruga,

imamo novosti o projektu Mitte 15. Tokom proteklih godina Grad Beč, Austrijske željeznice (ÖBB) i angažirani građani zajednički su izradili ključne smjernice za budući razvoj područja između ulice Felberstraße i željezničkih pruga ÖBB-a. To područje pripada ÖBB-u i treba biti preuređeno tokom sljedeće decenije. Na lokalitetu na kojem danas dominiraju asfaltirane površine i skladišne hale, u budućnosti bi mogao nastati vrijedan **prostor s mnogo zelenih površina za rekreaciju i druženje**.

Što je danas već izvjesno, to je da će na tom području nastati jedna **velika, povezana zelena i otvorena površina. Stambeni objekti i poslovni prostori moći će se graditi samo na rijetkim izdvojenim parcelama.**

U nekim segmentima mogao bi se planirani park podići iznad nivoa terena kako bi bio **pristupačan bez arhitektonskih prepreka**, a prostor ispod njega mogao bi se namijeniti u druge svrhe.

Ovo je **prilika za više zelenog prostora** u 15. bečkom okrugu koju želimo da iskoristimo i da već sada učinimo sljedeće korake.

Koji su sljedeći koraci?

Radi detaljne razrade projekta, u narednim mjesecima bit će raspisan **urbanistički i pejzažnoarhitektonski konkurs/natječaj za ovo područje**.

Kako bi park mogao konkretno izgledati i koje funkcije bi trebao ispunjavati?
Koji sadržaji nedostaju na ovom području i koji bi se novi mogli stvoriti?
Kako se može poboljšati mikroklima?

Planerski timovi bit će pozvani da ponude odgovore na ova i brojna druga pitanja te da izrade prijedloge rješenja za ovo područje. Na temelju toga bit će zatim izrađen takozvani urbanistički koncept razvoja područja.

Učestvujte u oblikovanju projekta prije sljedeće faze planiranja

Još prije raspisivanja konkursa/natječaja želimo Vas informisati o trenutnom stanju projekta. Na jesen će se održati skup posvećen dijalogu s građanima. Na tom skupu moći ćete iznijeti svoja viđenja, ideje i sugestije što će predstavljati važnu osnovu za raspisivanje konkursa/natječaja. Pozivnica će Vam biti upućena na vrijeme. Ove i druge aktuelne informacije možete pronaći na našoj web stranici mitte15.at. Prijavite se i na naš digitalni newsletter Stadtteilplanung „Mitte 15“ na stranici wien.gv.at/newsletter/buergerinnenbeteiligung. Ukoliko imate neka pitanja, pišite nam. Naša e-mail adresa je mitreden@ma21.wien.gv.at. U predmetu e-maila navedite „Mitte 15“.

Nedavno ste od nas dobili i projektne novine „Projektzeitung Mitte 15“. Ovim dopisom pokrećemo novi, redovni format: „Info pismo Mitte 15“, kojim ćemo Vas ubuduće obavještavati o napretku projekta, predstojećim događajima i mogućnostima učešća u projektu.

Radujemo se što zajedno s Vama nastavljamo ovaj put.

Uz srdačan pozdrav
Vaš projektni tim "Mitte 15"
Vaš načelnik 15. bečkog okruga

Zanimljivosti o projektu "Mitte 15"

Hoće li područje biti previše izgrađeno?

Ne. Više od dvije trećine površine činit će zelene i otvorene površine. Gradit će se samo na rijetkim izdvojenim lokacijama te na već asfaltiranim ili betoniranim površinama.

Je li zaista planiran pravi park?

Da. Planirana je jedna povezana pejzažna parkovna cjelina veličine oko 5 hektara. Pojedini segmenti parka bit će podignuti iznad nivoa terena kako bi bili jasno odvojeni od željezničkog saobraćaja i dostupni bez prepreka, a imat će dovoljan sloj zemlje za sadnju drveća i ozelenjavanje.

Kako će to uticati na mikroklimu?

Mikroklima će se u odnosu na sadašnje stanje poboljšati. Kako bi se izbjegli negativni uticaji na gradsku klimu, između ostalog i na koridor hladnog zraka, planiranje će sadržavati klimatske analize i simulacije.

Kako će građani biti uključeni?

Od 2022. godine građani učestvuju u projektu kroz različite oblike dijaloga, a sudjelovalo ih je nekoliko stotina.

Planirane su dodatne mogućnosti za učešće građana.

Kako će građani moći pratiti napredak projekta?

Svi važni dokumenti bit će javno dostupni. Uz to ćemo Vas putem info pisama, naše web stranice i digitalnog newslettera redovno informisati o napretku projekta i novostima.

Kako se može učestvovati?

U narednim fazama projekta pružit će Vam se razne mogućnosti participacije - na primjer kroz skupove, izložbe ili online formate. O svim terminima bit ćete pravovremeno obaviješteni.